





Ēnei ia Nāomi ma tana tāne ma lua a lāua tamatāne. Na onge tō lātou wenua. Wō ai loa lātou ki te toe wenua mamao.



Nōnō lātou i te wenua ia e laungaulu matawiti. Na wakaao lua tamatāne ia. Mate loa tana tāne. Mamate oki lua ana tama. Auwē te wakaaloa ia Nāomi.



Ko lua wawine tēnei o nā tamatāne a Nāomi. Ko Ōpā ma Luta o lāua ingoa. Mea loa ia Nāomi, "Ka maka au ia kōlua, ka niko atu au ki toku wenua. Nīniko kōlua ki o kōlua matua wāwine. Ka maua ia kōlua e te wakaao wakawōu."








Wano loa ia Luta ki te konga e wetupu ai nā wua kēlite. E mea ka kai ai te tangata. Yaele loa iāna lā muli o te kau e yangaina. Ko taetae iāna i nā kauā kēlite na takoto. Nō Poāta te konga ia. Ko ona te toe matua o tana tāne na maté. Mea loa ia Poāta ki te kau tāne, "Unuunu nā toe kauā ki vao mā ana. Tuku ke wolo."



Kave loa ia Luta i tana kete ki wale, wakaāli kia Nāomi. Mea loa ia Nāomi, "Atawai wolo ki te Matua Yā. Na wolo a māua popoa mō te ayo nei. E tāne loa atawai ia Poāta." Eia, talapaya loa lāua i te Atua.














Liko ai loa ia Poāta i te tāmaka ia, mea loa iāna ki te laungaulu tāne i ona tawa ia, "Ko kōtou oku kite i te ayo nei! Ka oko au maia Nāomi i te potonga wenua ia. Ka wakaao oki au ia Luta."



Eia, kave loa ia Poāta ia Luta ki tona wale wai wawine mā ana. Tataku loa o lāua yoa ki te Matua Yā kē lelei tō lāua olanga, kē aumai te Atua ni tama mā lāua, kē longonui oki te ingoa o tō lāua ulaula i Pētelēma.





Amo loa ia Nāomi i tana pēpē ia, taute ai ia ana. Talatala loa te kau wāwine, " la Nāomi e tayi ana tamatāne wakawōu!" Lapa ai lātou i tona ingoa ko Ōpeta. Ko ona te matua o lēte, ko lēte oki te matua o te Aliki ko Tāvita. Ko letu Metia oki na wānau mai lā loto o te ulaula ia.

